

Persidangan Antarabangsa Sains Marin dan Akuakultur (ICOMSA) 2018

NST 24.2.2018 6

KOTA KINABALU: Institut Penyelidikan Marin Borneo, Universiti Malaysia Sabah akan menganjurkan Persidangan Antarabangsa Sains Marin & Akuakultur (ICOMSA) dengan tema yang sangat penting iaitu Ocean Governance- Issues, Priorities & Strategies pada 14-16 Mac 2018.

Tema seumpama ini adalah pertama kali diketengahkan di negara ini dan dijangka akan menarik ramai penyertaan di kalangan ahli-ahli profesional dan pihak berkepentingan dari dalam dan luar negara.

Pihak penganjur memilih tema ini untuk dibahaskan pada persidangan ICOMSA tahun ini bagi menggalakkan interaksi di kalangan peserta pelbagai disiplin sains, sains sosial, ekonomi, zon pesisir dan pengurusan alam sekitar marin, pelancongan marin, navigasi dan maritim dan lain-lain ke arah memperkasakan usaha melindungi dan mengurus sumber laut selaras dengan matlamat Pembangunan Mapan Pertubuhan Bangsa-bangsa Bersatu (PBB) yang ditandatangani oleh Malaysia.

Persidangan ini mengalu-alukan penyertaan dari semua pihak berkepentingan khususnya institusi pendidikan, industri, organisasi-bukan kerajaan (NGO) dan individu-individu yang berkomitmen untuk menyumbang kepada pengurusan persekitaran pantai dan marin.

Kertas-kertas kerja yang dibentangkan akan tertumpu kepada pencerangan mengenai isu-isu semasa dan pendekatan penyelesaian masalah berhubung tadbir urus lautan.

Mereka yang berminat boleh melayari laman sesawang persidangan di <http://www.ums.edu.my/ipmbv2/icomsa/> atau menghubungi urus setia persidangan di talian +60-88-320000 ext. 2596.